

**Ketua Pemuda Umno Alor Gajah Angkat Sumpah Sebagai Senator
Bernama
6 September 2011**

KUALA LUMPUR, 6 Sept (Bernama) -- Ketua Pemuda Umno Bahagian Alor Gajah, Baharudin Abu Bakar, hari ini mengangkat sumpah sebagai Senator di hadapan Yang Dipertua Dewan Negara Tan Sri Abu Zahar Ujang di Bangunan Parlimen di sini.

Pelantikan Baharudin sebagai Senator mendapat perkenan Yang di-Pertuan Agong Tuanku Mizan Zainal Abidin.

Baharudin, 42, yang memegang jawatan sebagai Pengarah Syarikat Rexasplus Sdn Bhd sejak 2006 juga merupakan Ketua Penerangan Pemuda Umno Melaka.

"Saya anggap pelantikan ini merupakan satu penghargaan besar terutamanya bagi generasi muda. Saya lihat ini merupakan satu titik permulaan bagi generasi muda untuk turut serta dalam menyuarakan pandangan untuk perlembagaan negara," kata Baharudin ketika ditemui pemberita selepas upacara itu.

Beliau yang berasal dari Durian Tunggal, Melaka juga pernah menjadi wartawan foto di Variapop Group dan Utusan Malaysia.

Dalam pada itu, Abu Zahar dalam majlis berasingan menerima kunjungan perpisahan daripada Duta Besar Perancis ke Malaysia Marc Barety di pejabatnya di Bangunan Parlimen.

Barety akan menamatkan perkhidmatannya pada penghujung bulan ini.

---BERNAMA

Hakcipta © 2011 BERNAMA

Source: <http://www.bernama.com/bernama/v5/bm/newsindex.php?id=611730>